



REPUBLIKA E SHQIPËRISË  
KËSHILLI I LARTË GJYQËSOR

Nr. \_\_\_\_\_ Prot.

Tiranë, më \_\_\_\_\_.\_\_\_\_.2021

***PROCESVERBAL I MBLEDHJES SË KËSHILLIT TË LARTË GJYQËSOR***

*(Mbledhje e realizuar me video konferencë)*

*(Mbajtur, më 02.12.2021)*

*Drejton mbledhjen Zëvendëskryetari i Këshillit të Lartë Gjyqësor, zoti Maksim Qoku.*

*Mbledhja u zhvillua në ambientet e Këshillit të Lartë Gjyqësor. Filloi në orën 13:41 dhe mbaroi në orën 13:50.*

Në mbledhje ishin të pranishëm:

- |                            |                          |
|----------------------------|--------------------------|
| <i>1. Maksim Qoku</i>      | <i>(zëvendëskryetar)</i> |
| <i>2. Medi Bici</i>        | <i>(anëtar)</i>          |
| <i>3. Fatmira Luli</i>     | <i>(anëtare)</i>         |
| <i>4. Brunilda Kadi</i>    | <i>(anëtare)</i>         |
| <i>5. Dritan Hallunaj</i>  | <i>(anëtar)</i>          |
| <i>6. Ilir Toska</i>       | <i>(anëtar)</i>          |
| <i>7. Alban Toro</i>       | <i>(anëtar)</i>          |
| <i>8. Marçela Shehu</i>    | <i>(anëtare)</i>         |
| <i>9. Erjon Muharremaj</i> | <i>(anëtar)</i>          |

*Shënim: Nuk morën pjesë në mbledhje Kryetarja e Këshillit të Lartë Gjyqësor, znj.*

*Naureda Llagami dhe anëtarja e Këshillit të Lartë Gjyqësor, znj. Brikena Ukperaj.*

Merrnin pjesë gjithashtu nëpërmjet platformës:

**1. Maela Alicanaj, Drejtore pranë Departamentit të shërbimeve juridike dhe marrëdhënieve me jashtë.**

**2. Valbona Bako, Përgjegjëse pranë Sektorit të përgatitjes së dokumentacionit dhe përfaqësimit në gjykatë.**

**3. Staf administrativ i KLGJ-së.**

## **RENDI I DITËS:**

1. Shqyrtimi i projektvendimit “Për ndryshimin e pjesshëm të vendimit nr. 566, datë 02.12.2021, të Këshillit të Lartë Gjyqësor “Për caktim gjyqtari, në një çështje gjyqësore të veçantë, në Gjykatën e Rrethit Gjyqësor Lezhë”, përgatitur nga Komisioni i Zhvillimit të Karrierës, relator z. Ilir Toska.<sup>1</sup>

Në pamundësi të qenies prezent të Kryetares së Këshillit të Lartë Gjyqësor, mbledhja drejtohet nga Zëvendëskryetari, z. Qoku. Çështja në fjalë shqyrtohet për shkak të një urgjence dhe ka të bëjë me ndryshimin e pjesshëm të vendimit nr. 566, datë 02.12.2021, të Këshillit të Lartë Gjyqësor.

Fjala i jepet relatorit të çështjes, z. Toska.

Zoti Toska parashtron shkurtimisht relacionin lidhur me projektvendimin “Për ndryshimin e pjesshëm të vendimit nr. 566, datë 02.12.2021, të Këshillit të Lartë Gjyqësor “Për caktim gjyqtari, në një çështje gjyqësore të veçantë, në Gjykatën e Rrethit Gjyqësor Lezhë”. Konkretisht:

Mbi kërkesën nr. {...} prot., datë 01.12.2021, të kryetares në detyrë të Gjykatës së Rrethit Gjyqësor Lezhë, për caktimin e një gjyqtari për gjykimin e një çështje gjyqësore të veçantë, Këshilli i Lartë Gjyqësor, në mbledhjen plenare të datës 02.12.2021, ndër të tjera, ka shqyrtuar edhe këtë kërkesë, e cila identifikonte si nevojë të kësaj gjykate, një çështje penale.

---

<sup>1</sup> Procesverbali i kësaj çështjeje të rendit të ditës është përmbledhje.

Për këtë kërkesë të kryetares në detyrë të Gjykatës së Rrethit Gjyqësor Lezhë, krahas edhe katër kërkesave të tjera, në pamundësi të zbatimit të mekanizmit të skemës së delegimit dhe padobishmërisë së zbatimit të mekanizmit të transferimit të përkohshëm të gjyqtarit, Komisioni i Zhvillimit të Karrierës i ka propozuar Këshillit të Lartë Gjyqësor zbatimin e nenit 170/1 të Ligjit nr. 96/2016 “Për statusin e gjyqtarëve dhe prokurorëve në Republikën e Shqipërisë”, i ndryshuar dhe të Vendimit të tij nr. 30, datë 14.02.2019, “Për rregullat dhe procedurën e caktimit të gjyqtarit për gjykimin e një çështje gjyqësore të veçantë, në një gjykatë tjetër, të ndryshme nga ajo ku ushtron funksionin në mënyrë të përhershme”.

Më konkretisht, në konsideratë të kritereve të përcaktuara në paragrafin IV, pika 5, të Vendimit të KLGJ-së të lartpërmendur, Komisioni i Zhvillimit të Karrierës, ndër të tjera, ka propozuar:

1. Gjykata nga duhet të përzgjidhet, me short, gjyqtarët që do të caktohen për gjykimin e 5 (pesë) çështjeve gjyqësore të veçanta, të jetë Gjykata e Rrethit Gjyqësor Dibër dhe Gjykata e Rrethit Gjyqësor Kurbin.

2. Numri i gjyqtarëve që duhet të caktohen për gjykimin e 5 (pesë) çështjeve gjyqësore të veçanta, të jetë 6 (gjashtë).

Po ashtu, lidhur me hapat e shortit, në vijim, Komisioni i Zhvillimit të Karrierës ka propozuar:

1. Për 3 (tre) çështje, ato nr.1-3, për të cilat kërkohet nga 1 (një) gjyqtar, të caktohen 3 (tre) të tillë, të cilët të përzgjidhen me short nga gjyqtarët e Gjykatës së Rrethit Gjyqësor Dibër.

2. Për 2 (dy) çështje, ato nr.4-5, për të cilat kërkohet nga 1 (një) dhe 2 (dy) gjyqtarë, të caktohen 3 (tre) të tillë, të cilët të përzgjidhen me short nga gjyqtarët e Gjykatës së Rrethit Gjyqësor Kurbin.

Propozimet e Komisionit të Zhvillimit të Karrierës janë pranuar nga Këshilli i Lartë Gjyqësor, ku mbi këtë bazë është zhvilluar procedura e shortit, për përzgjedhjen e 6 (gjashtë) gjyqtarëve nga Gjykata e Rrethit Gjyqësor Dibër dhe Gjykata e Rrethit Gjyqësor Kurbin, edhe për gjykimin e çështjes gjyqësore të identifikuar në tabelë me numër rendor 4.

Mbi këtë bazë, me vendimin nr.566, datë 02.12.2021, paragrafi II, nënndarja “Gjykata e Rrethit Gjyqësor Lezhë”, pika 4, Këshilli i Lartë Gjyqësor, për kërkesën ka vendosur:

4. Gjyqtarja e Gjykatës së Rrethit Gjyqësor Kurbin, {...}, caktohet në përbërje të trupit gjykues për të gjykuar për llogari të Gjykatës së Rrethit Gjyqësor Lezhë, çështjen penale me të pandehur: (emrat); Akuza: Parashikuar nga nenet 140-25 i Kodit Penal.

Mbas njoftimit të këtij vendimi, kryetarja në detyrë e Gjykatës së Rrethit Gjyqësor Lezhë, sikundër edhe gjyqtarja {...}, me email-in e datës 02.12.2021, kanë bërë me dije Këshillin e Lartë Gjyqësor për pamundësinë e paraqitjes në detyrë të kësaj të fundit, ndërsa është diagnostikuar me COVID 19. Nga ana tjetër, Kryetarja në detyrë e Gjykatës së Rrethit Gjyqësor Lezhë, sikurse dhe më herët, ka njoftuar për urgjencën që paraqet gjykimi i çështjes penale në nevojë, në kushtet kur i pandehuri i paraburgosur ka kërkuar humbjen e fuqisë së paraburgimit, kërkesë e cila është planifikuar të shqyrtohet ditën e sotme, pra datë 02.12.2021, ora 13.45.

Sa sipër, rezulton që një rrethanë të tillë ka qenë e panjohur për Këshillin lidhur me marrjen e Vendimit nr.566, datë 02.12.2021, paragrafi II, nënndarja “Gjykata e Rrethit Gjyqësor Lezhë”, pika 4, përmes të cilit është caktuar gjyqtarja e Gjykatës së Rrethit Gjyqësor Kurbin, {...}, e cila përkohësisht është në pamundësi shëndetësore për ushtrimin e funksionit, shkak për të cilin nuk duhet të ishte përfshirë në procedurat e shortit për çështjen penale në nevojë.

Në këto kushte, bazuar në nenet 113 dhe 117 të Kodit të Procedurave Administrative, si dhe në nenin 99 të Ligjit nr.115/2016, “Për organet e qeverisjes së sistemit të drejtësisë”, është vendi për ndryshimin e pikës 4, nënndarja “Gjykata e Rrethit Gjyqësor Lezhë”, paragrafi I, të Vendimit nr.566, datë 02.12.2021, të Këshillit të Lartë Gjyqësor, sa i përket gjyqtarit të caktuar për gjykimin e çështjes penale si më lart.

Për gjyqtarin që duhet të caktohet për gjykimin e asaj çështje gjyqësore të veçantë në Gjykatën e Rrethit Gjyqësor Lezhë, në konsideratë të kriterëve të përcaktuara në paragrafin IV, pika 5, të Vendimit të KLGJ-se “Për rregullat dhe procedurën e caktimit të gjyqtarit për gjykimin e një çështje gjyqësore të veçantë, në një gjykatë tjetër, të

ndryshme nga ajo ku ushtron funksionin në mënyrë të përhershme”, si dhe në zbatim të paragrafit VI, pika 4, të këtij Vendimi,

Komisioni i Zhvillimit të Karrierës propozon:

Gjykata nga duhet të përzgjidhet, me short, gjyqtari që do të caktohen për gjykimin e 1 çështjeje gjyqësore të veçantë, të jetë Gjykata e Rrethit Gjyqësor Shkodër.

Numri i gjyqtarëve që duhet të caktohen për gjykimin e 1 (një) çështjeje gjyqësore të veçantë, të jetë 1.

Propozimet vijuese janë:

Për 1 (një) çështje, për të cilën kërkohet 1 (një) gjyqtar, ai të përzgjidhen me short nga gjyqtarët e Seksionit Penal të Gjykatës së Rrethit Gjyqësor Shkodër.

Përfshirjet nga shorti:

Në shortimin e çështjeve të përfshihen nga shorti Kryetari në detyrë i Gjykatës së Rrethit Gjyqësor Shkodër, konkretisht: Z. Arbër Çela.

Në shortimin e çështjeve të përfshihen nga shorti gjyqtari i Seksionit Penal të Gjykatës së Rrethit Gjyqësor Shkodër, konkretisht: Z. Besmir Stroka.

Sa më sipër, Komisioni i Zhvillimit të Karrierës propozon:

Ndryshimin e pikës 4, nënndarja “Gjykata e Rrethit Gjyqësor Lezhë”, paragrafi II, të Vendimit nr.566, datë 02.12.2021, të Këshillit të Lartë Gjyqësor, ku në bazë të rezultateve të shortit, ndërmjet gjyqtarëve të Gjykatës së Rrethit Gjyqësor Shkodër, të caktohet 1 gjyqtar për të gjykuar për llogari të Gjykatës së Rrethit Gjyqësor Lezhë, çështjen penale me të pandehur: (emrat); Akuza: “Neni 140-25 i Kodit Penal”.

Anëtarët e Këshillit nuk kanë kundërshtime ndaj propozimit të Komisionit dhe kështu vijohet me dokumentimin e shortit elektronik.

Nga shorti elektronik përzgjidhet (referuar tabelës në relacion):

Për çështjen nr. 1, gjyqtari Hasan Selimi.

*(Hidhet në votim projektvendimi.)*

**Brunilda Kadi:** Dakord.

**Dritan Hallunaj:** Pro.

*Ilir Toska*: Dakord.

*Alban Toro*: Dakord.

*Fatmira Luli*: Dakord.

*Marçela Shehu*: Dakord.

*Erjon Muharremaj*: Pro.

*Medi Bici*: Pro.

*Maksim Qoku*: Dakord.

*(Miratohet projektvendimi sipas propozimit të Komisionit dhe shortit të hedhur më sipër.)*

\* \* \*

(Mbledhja deklarohet e mbyllur)

**Për Këshillin e Lartë Gjyqësor**